



29. juni 2023

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. 0,25 literi tikillugu imaqarsinnaasumut imersuersaatit puuinut akitsuut (Akitsuutit normuat 034) peerneqassagaluarpat pisortanut aningaasatigut allaffissornikkullu qanoq kinguneqassava?
2. 0,25 literi sinnerlugu imaqarsinnaasumut imersuersaatit puuinut akitsuut (Akitsuutit normuat 035) peerneqassagaluarpat pisortanut aningaasatigut allaffissornikkullu qanoq kinguneqassava?
3. Akitsuutit normui 034 aamma 035 eqqunneqarsimanerinit suut tunngavilersuutaanikuusimappat?
 - a. Aningaasatigut kingunissat avataasigut imersuersaatit puuinut eqqussinermit akitsuusersuiinnarnissamut suut tunngavilersuutaappat (Akitsuutit normui 034 aamma 035)?
4. Naalackersuisut pineqartumut attuumassutilinnik allanik ilisimatitsissuteqarsinnaanerlutik?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Nunatsinni innuttaasut ullumikkormit pisisinnaassuseqarnerulernissaat kissaatigaara. Tamannalu piviusunngortinnissaanut ulluinnarni nioqqutissat pisiarineqarnerpaasartunut akitsuutit piarnerisigut qulakkeerusuppara.

Amerlasuut juice-it soft-illu pisiarisarpaat. Nioqqutissat taakku akitsuusersorneqarsimapput, pisiniarfiillu atuisunut akiginiaggittarlugit. Nioqqutissat 0,25 tikillugu imaqarsinnaasut 2 koruunimik akitsuuserneqarsimapput. Nioqqutissat 0,25 sinnerlugu puullit 3,50 koruunimik akitsuuserneqarsimallutik.

Assersuusiorfigilaarlara; akitsuutit normui taakku peerutsigit Suntop (imersuersaat drinkiusoq) ullumikkormit 2 koruunimik akikinnerulissaaq. Ribena ullumikkormit 3,50 koruunimik akikinnerulissaaq.

Apeqqutit akissutaat ullut qulit suliffiusut iluanni akineqareersimanissaat kissaatigaakka